



四庫全書

薈要

【子部】



四庫全書

【四庫全書】

吉林人民出版社

乾隆
御覽本

四庫全書薈要

子部
第十六冊

潜夫論

〔漢〕王符撰

欽定四庫全書薈要

子部
潛夫論卷一至

臣董誥詳校
詳校官主事臣陳本



潛夫論目錄

卷一

讚學第一

務本第二

退利第三

論榮第四

賢難第五

卷二

明闇第六

考績第七

欽定四庫全書

潛夫論
目錄

思賢第八

本政第九

潛歎第十

卷三

忠貴第十一

浮侈第十二

慎微第十三

實貢第十四

卷四

班祿第十五

述赦第十六

三式第十七

愛日第十八

卷五

斷訟第十九

哀制第二十

勸將第二十一

救邊第二十二

邊議第二十三

實邊第二十四

卷六

卜列第二十五

正列第二十六

相列第二十七

卷七

夢列第二十八

釋難第二十九

卷八

交際第三十

明忠第三十一

本訓第三十二

德化第三十三

五德志第三十四

卷九

志氏姓第三十五

卷十

敘錄第三十六

臣等謹案潛夫論十卷漢王符撰符字節信

安定臨涇人後漢書本傳稱和安之後世務

游宦當途者更相薦引而符獨耿介不同于

俗以此遂不得升進志意蘊憤乃隱居著書

三十餘篇以譏當時得失不欲章顯其名故

號曰潛夫論今本凡三十五篇合序錄為三

十六篇蓋猶舊本卷首讚學一篇論勵志勤

修之旨卷末五德志篇述帝王之世次志氏

姓篇考譜牒之源流其中卜列正列相列夢

列四篇亦皆雜論方技不盡指陳時政范曄

所云舉其著書大旨爾符生卒年月不可考

本傳之末載度遠將軍皇甫規解官歸里符

往謁見事規解官歸里據本傳在延熹五年

則符之著書在桓帝時故所說多切漢末弊

政惟桓帝時皇甫規段熲張奐諸人屢與羌

戰而其救邊議二篇乃以避寇為憾殆以安

帝永初五年嘗徙安定北地郡順帝永建四

年始還舊治至永和六年又內徙符安定人

故就其一鄉言之耶然其謂失涼州則三輔

為邊三輔內入則弘農為邊弘農內入則洛

陽為邊推此以相況雖盡東海猶有邊則灼

然名論足為輕棄邊地之炯鑒也范曄錄其

忠貴浮侈實貢愛日述赦五篇入本傳而字

句與今本多不同晁公武讀書志謂曄有所

損益理或然歟曄以符與王充仲長統同傳

韓愈因作後漢三賢贊今以三家之書相較

符書洞悉政體似昌言而明切過之辨別是

非似論衡而醇正過之前史列之儒家斯為

不愧惟賢難篇中稱鄧通吮癰為忠於文帝

又稱其欲昭景帝之孝反以結怨則紕繆最

甚是其發憤著書立言矯激之過亦不必曲

為之諱矣乾隆四十一年四月恭校上

總纂官臣紀昀臣陸錫熊臣孫士毅

總校官臣陸費墀

潛夫論卷一

漢 王符 撰

譜學第一

天地之所貴者人也聖人之所尚者義也德義之所成者智也明智之所求者學問也雖有至聖不生而智雖有至材不生而能故志曰黃帝師風后顓頊師老彭帝嚳師祝融堯師務成舜師紀后禹師墨如湯師伊尹文武師姜尚周公師庶秀孔子師老聃若此言之而信則人不可以不就師矣夫此十一君者皆上聖也猶待學問其智乃博其德乃碩而況於凡人乎是故工欲善其事必先利其器王欲宣其義必先讀其智易曰君子以多志前言往行以畜其德是以人之有學也猶物之有治也故夏后之璜楚和之璧雖有玉璞卞和之資不琢不錯不離礫石夫瑚簋之器朝祭之服其始也乃山野之木蠶繭之絲耳使巧倖加繩墨而制之以斤斧女工加五色而制之以機杼則皆成宗廟之器黼黻之章可

欽定四庫全書

潛夫論卷一

欽定四庫全書

潛夫論卷一

三

著於鬼神可御於王公而況君子敦貞之質察敏之才攝之以良朋教之以明師文之以禮樂導之以詩書譜之以周易明之以春秋其不有濟乎詩云題彼鵲巢飛載鳴我日斯邁而月斯征夙興夜寐無忝爾所生是以君子終日乾乾進德脩業者非直為博己而已也蓋乃思述祖考之令問而以顯父母也孔子曰吾嘗終日不食終夜不寢以思無益不如學也耕也鋤在其中學也祿在其中矣君子憂道不憂貧箕子陳六極國風歌北門故所謂不憂貧也豈好貧而弗之憂邪蓋志有所專昭其重也是故君子之求豐厚也非為嘉饌美服淫樂聲色也乃將以底其道而邁其德也夫道成於學而藏於書學進於振而廢於窮是故董仲舒終身不問家事景君明經年不出戶庭得銳精其學而顯昭其業者家富也富佚若彼而能勤精若此者材子也倪寬賣力於都巷匡衡自鬻於保徒者身貧也貧阨若彼而能進學若此者秀士也當世學士恒以萬計而究塗者無數

十焉其故何也其富者則以賄玷精貧者則以乏易計或以喪亂暮其年歲此其所以遠初喪功而及其童蒙也是故無董景之才倪匡之志而欲強捐家出身曠日師門者是必無幾矣夫此四子者耳目聰明忠信廉勇未必無儔也而及其成名立績德音令問不已而有所以然夫何故哉徒以其能自託於先聖之典經結心於夫子之遺訓也是故造父疾趨百步而廢使託乘輿坐致千里水師泛軸解維則溺自託舟楫坐濟江河是故

欽定四庫全書

卷一

三

君子者性非絕世善自託於物也人之情性未能相百而其明智有相萬也此非其真性之材也必有假以致之也君子之性未必盡照及學也聰明無蔽心智無滯前紀帝王顧定百世此則道之明也而君子能假之以自彰爾夫是故道之於心也猶火之於人目也中篝深室幽黑無見及設盛燭則百物彰矣此則火之耀也非目之光也而目假之則為明矣天地之道神明之為不可見也學問聖典心思道術則皆來觀矣此則道之材

也非心之明也而人假之則為已知矣是故索物於夜室者莫良於火索道於當世者莫良於典與者經也先聖之所制先聖得道之精者以行其身欲賢人自勉以入於道故聖人之制經以遺後賢也譬猶巧倭之為規矩準繩以遺後工也昔倭之巧目茂圓方心定平直又造規繩矩墨以誨後人試使奚仲公班之徒釋此四度而倣倭自制必不能也凡工妄匠執規秉矩錯準引繩則巧同於倭也是倭以心來制規矩往合倭心也故度

欽定四庫全書

卷一

四

之工幾於倭矣先聖之智心達神明性直道德又造經典以遺後人試使賢人君子釋於學問抱質而行必弗具也及使從師就學按經而行聰達之明德義之理亦庶矣是故聖人以其心來就經典往合聖心故脩經之賢德近於聖矣詩云高山仰止景行行止日就月將學有緝熙于光明是故凡欲顯勲績揚光烈者莫良於學矣

務本第二

凡為人之大體莫善於抑末而務本莫不善於離本而飭末夫為國者以富民為本以正學為基民富乃可教學正乃得義民貧則背善學淫則詐偽入學則不亂得義則忠孝故明君之法務此二者以為成太平之基致休徵之祥夫富民者以農桑為本以游業為末百工者以致用為本以巧飭為末商賈者以通貨為本以鬻奇為末三者守本離末則民富離本守末則民貧貧則阨而忌善富則樂而可教教訓者以道義為本以巧辯為末辭語者以信順為本以詭麗為末列士者以孝悌為本以交游為末孝悌者以致養為本以華觀為末人臣者以忠正為本以媚愛為末五者守本離末則仁義興離本守末則道德崩慎本畧末猶可也舍本務末則惡矣夫用天之道分地之利六畜生於時百物聚於野此富國之本游業末事以收民利此貧邦之原忠信謹慎此德義之基也虛無譎詭此亂道之根也故力田所以富國也今民去農桑赴游業披采衆利聚之一門雖於

私家有富然公計愈貧矣百工者所使備器也器以便事為善以膠固為上今工好造彫琢之器巧偽飾之以欺民取賄物以任用為要以堅牢為資今商競鬻無用之貨淫極侈之弊以惑民取產雖於淫商有得然國計愈失矣此三者外雖有勦力富家之私名然內有損民貧國之公實故為政者明督工商勿使淫偽因游業勿使擅利寬假本農而寵遂學士則民富而國平矣夫教訓者所以遂道術而崇德義也今學問之士好語虛無之事爭著彫麗之文以求見異於世品人鮮識從而高之此傷道德之實而惑矇夫之大者也詩賦者所以頌善醜之德洩哀樂之情也故溫雅以廣文興喻以盡意今賦頌之徒苟為饒辯屈蹇之辭競陳誣罔無然之事以索見恠於世愚夫慙士從而奇之此悖孩童之思而長不誠之言者也內孝悌於父母正操行於閭門所以烈士也今多務交游以結黨助偷世竊名以取濟渡夸末之徒從而尚之此逼真士之節而銜世俗之心者

也養生順志所以為孝也今多違志儉養約生以待終
終沒之後乃崇飭喪紀以言孝盛饗賓旅以求名誣善
之徒從而稱之此亂孝悌之真行而誤後生之痛者也
忠正以事君信法以理下所以居官也今多姦諛以取
媚撓法以便佞苟得之從而賢之此滅真良之行開亂
危之原也五者外雖有振賢才之虛譽內有傷道德之
至實凡此八者皆衰世之務而闇君之所同也雖未即
於篡弑然亦亂道之漸來也夫本末消息之爭皆在於

君非下民之所能移也夫民固隨君之好從利以生者
也故君子曰財賄不多衣食不瞻聲色不妙威勢不行
非君子之憂也行善不多申道不明節志不立德義不
彰君子恥焉是以賢人智士之於子孫也屬之以志弗
屬之以詐勸之以正弗勸以詐示之以儉弗示以奢貽
之以言弗貽以財是故董仲舒終身不問家事而疎廣
不遺賜金子孫若賢不待多富若其不賢則多以微怨
故曰無德而賄豐禍之胎也昔曹羈有言守天之聚必

施其德義德義弗施聚必有闕今或家賑而貸之遺賑
貧窮恤矜疾苦則必不久居富矣易曰天道虧盈以冲
謙故仁以義費於彼者天賞之於此以邪取於前者衰
之於後是以持盈之道挹而損之則不可以免於亢龍
之悔乾坤之愆矣是故務本則雖虛偽之人皆歸本居
末則雖篤敬之人皆就末且凍餒之所在民不得不去
也溫飽之所在民不得不居也故衰闇之世本末之人
未必賢不肖也禍福之所勢不得無然爾故明君蒞國
必崇本抑末以遏亂危之萌此誠治之危漸不可不察
也

過利第三

世人之論也靡不貴廉讓而賤財利焉及其行也多釋
廉甘利之於人徒知彼之可以利我也而不知我之得
彼亦將為利人也知脂蠟之可明燈也而不知其甚多
則真之知利之可娛已也不知其稱而必有也前人以
病後人以競庶民之愚而衰闇之至也予故嘆曰何不

察也顧鑒于道勿鑒于水象以齒焚身蚌以珠剖體匹夫無辜懷璧其罪嗚呼問哉無德而富貴者固可掇弔也且夫利物莫不天之財也天之制此財也猶國君之有府庫也賦賞奪與各有衆寡民豈得彊取多哉故人有無德而富貴是凶民之竊官位盜府庫者也終必覺必誅矣盜人必誅况乃盜天乎得無受禍焉鄧通死無醫勝跪伐其身是故天子不能違天富無功諸侯不能違帝厚私勸非違帝也非違天也帝以天為制天以民為心民之所欲天必從之是故無功庸於民而求盈者未嘗不力顛也有勲德於民而謙損者未嘗不光榮也自古于今上以天子下至庶人蔑有好利而不亡者好義而不彰者也昔周厲王好專利芮良夫諫而不入退賦桑柔之詩以諷言是大風也必將有隧是貪民也必將敗其類王人不悟故遂流死于彘虞公屢求以失其國公叔戍崇賄以為罪相魑不節飲食以見弑此皆以貨自止用財自滅楚鬬文子三為令尹而有饑色妻

子凍餒朝不及夕季文子相四君馬不餽粟妻不衣帛子罕歸玉晏子歸宅此皆能棄利約身故無怨於人世厚天祿令問不止伯夷叔齊餓于首陽白駒介推遜逃於山谷顏原公折困鐘於郊野守志篤固秉節不虧寵祿不能固威勢不能移雖有南面之尊公侯之位德義有殆禮義不班撓志如芷負心若芬固弗為也是故雖有四海之主弗能與之方名列國之君不能與之鈞重守志於一廬之內而義溢乎九州之外信立於千載之上而名傳乎百世之際

論榮第四

所謂賢人君子者非必高位厚祿富貴榮華之謂也此則君子之所宜有而非其所以為君子者也所謂小人者非必貧賤凍餒困阨窮之謂也此則小人之所宜處而非其所以為小人者也奚以明之哉夫桀紂者夏殷之君王也崇侯惡來天子之三公也而猶不免於小人者以其心行惡也伯夷叔齊餓夫也傳說胥靡而并白

處庸也然世猶以為君子者以為志節美也故論士苟
定於志行勿以遭命則雖有天下不足以為重無所用
不可以為輕處隸圉不足以為恥撫四海不足以為榮
況乎其未能相縣若此者哉故曰寵位不足以為尊我
而卑賤不足以卑己夫令譽從我興而二命自天降之
詩云天寶為之謂之何哉故君子未必富貴小人未必
貧賤或潛龍未用或亢龍在天從古以然今觀俗士之
論也以族舉德以位命賢茲可謂得論之一體矣而未

欽定四庫全書

潛人論

二

獲至論之淑貞也堯聖父也而丹凶傲舜聖子也而叟
頑惡叔嚮賢兄也而鮒貪暴季友賢弟也而慶父淫亂
論若必以族是丹宜禪而舜宜誅鮒宜賞而友宜夷也
論之不可必以族也若是昔祁奚有言絲綏而禹興管
蔡為戮周公祐王故書稱父子兄弟不相及也幽厲之
貴天子也而又富有四海顏原之賤匹庶也而又凍餒
屢空論若必以位則是兩三是為世士而二處為愚鄙
也論出不可必以位也又若是焉故曰仁重而勢輕位

辱而義榮今之論者多此之反而又以九族或以所來
則亦遠於獲真賢矣昔自周公不求備於一人況乎其
德義既舉乃可以宅故而弗之采乎由余生於五狄越
象產於八蠻而功施齊秦德立諸夏令名美譽載於圖
書至今不滅張儼中國之人也衡軼康叔之孫也而皆
讒佞反覆交亂四海由斯觀之人之善惡不必世族性
之賢鄙不必世俗中堂生員苞山野生蘭芷夫和氏之
璧出於璞石隋氏之珠產於蜃蛤詩云采芣菲無以

欽定四庫全書

潛人論

三

下體故苟有大美可尚於世則雖細行小瑕曷足以為
累乎是以用士不患其非國士而患其非中世非患無
臣而患其非賢蓋無羈縻縻陳平韓信楚俘也而高祖以
為藩輔實平四海安漢室衛霍去病平陽之私人也
而武帝以為司馬實據北狄郡河西唯其任也何卑遠
之有然則所難於非此士之人非將相之世者為其無
是能而處是位無是德而居是貴無以我尚而不棄我
勢也

賢難第五

世之所以不治者由賢難也所謂賢難者非直體聰明服德義之謂也此則求賢之難得爾非賢者之所難也故所謂賢者乃將言乎循善則見妬行賢則見嫉也而必遇患難者也虞舜之所以放殛于胥之所以被誅上聖大賢猶不能自免於嫉妬則況乎中世之人哉此秀士所以雖有賢材美質然猶不得直道而行遂成其志者也處士不得直其行朝臣不得直其言此俗化之所

欽定四庫全書

治人論

三

以敗闇君之所以孤也齊侯之所以奪國魯公之所以放逐皆敗績厭覆於不暇而用及治乎故德薄者惡聞美行政亂者惡聞治言此亡秦之所以誅偶語而坑術士也念世俗之人自慢其親而憎人敬之自簡其親而憎人愛之者不少也豈獨品庶賢材時有焉鄧通幸於文帝盡心而不違吮癰而無愆色帝病不樂從容曰天下誰最愛朕者乎鄧通欲稱太子之孝則因對曰莫若太子之最愛陛下也及太子問疾帝令吮癰有難之色

欽定四庫全書

治人論

四

帝不悅而遣太子既而聞鄧通之常吮癰也乃慙而怨之及嗣帝位遂致通罪而使至於餓死故鄧通行所以盡心力而無害人其言所以譽太子而昭孝慈也太子自不能盡其稱則反結怨而歸咎焉稱人之長欲彰其孝且猶為罪又況明人之短矯世者哉且凡士之所以為賢者且以其言與行也忠正之言非徒譽人而已也必有觸焉孝子之行非徒吮癰而已也必有駁焉然則循行論議之士得不遇於嫉妬之名免於刑戮之咎者蓋其幸者也比干之所以剖心箕子之所以為奴伯宗之以死却寃之以亡夫國不乏於妬男也猶家不乏於妬女也近古以來自外及內其爭功名妬過已者豈希也予以唯兩賢為宜不相害乎然也范雎絀白公公孫弘抑董仲舒此同朝共君寵祿爭故耶唯殊邦異途利害不干者為可以免乎然也孫臏脩能於楚龐涓自魏變免誘以則之韓非明治於韓李斯自秦作思致而殺之嗟士之相妬豈若此甚乎此未達於君故受禍邪唯

見知為可以將信乎然也京房數與元帝論難使制考功而選守是錯雅為景帝所知使漢法而不亂夫二子之於君也可謂見知深而寵愛殊矣然京房寃死而上魯不知是錯既斬而帝乃悔此材明未足以衛身故及難邪唯大聖為能無累乎然也帝乙以義故因文王以仁故拘夫體至行仁義據南面師尹卿士且猶不能無難然則夫子削迹叔嚮縲紲屈原放沈賈誼貶黜鍾離廢替何故束縛王章抵罪平阿斥逐蓋其輕士者也詩

欽定四庫全書

卷一

十五

云無罪無辜讒口教教彼人之心于何其臻由此觀之妬媚之攻擊也亦誠工矣賢聖之居世也亦誠危矣故所謂賢難也者非賢難也免則難也彼大聖羣賢功成名遂或爵侯伯或位公卿尹據天官簡在帝心宿夜侍宴名達而猶有若此則又況乎猷猷佚民山谷隱士困人乃達時論乃信者乎此智士所以鉗口結舌括囊共默而已者也且閭閻凡品何獨識哉苟望塵僂聲而已矣觀其論也非能本閭閻之行迹察臧否之虛實也直

以面譽我者為智諂諛己者為仁處姦利者為行竊祿位者為賢國豈復知孝悌之原忠正之直綱紀之化本途之歸哉此鮑焦所以立枯於道左徐衍所以自沈於滄海者也諺曰一大吠形百犬吠聲世之疾此固久矣哉吾傷世之不察貞偽之情也故設虛義以喻其心曰今觀宰司之取士也有似於司原之佞也昔有司原氏者燎獵中野鹿斯東奔司原縱譟之西方之衆有逐狝者聞司原之譟也競舉音而和之司原聞音之衆則及

欽定四庫全書

卷一

十六

輟己之逐而往伏焉遇夫俗惡之狝司原喜而自以獲白瑞珍禽也盡芻豢單圉倉以養之承俛仰嘍咿為作容聲司原愈益珍之居無何烈風興而澤雨作灌巨豕而惡塗淪逐駭懼真聲出乃知是家之艾狐爾此隨聲逐響之過也衆遇之未赴信焉今世主之於士也目見賢則不敢用耳聞賢則恨不及雖自有知也猶不能取必更侍羣司之所舉則亦懼失麟鹿而獲艾狐奈何其不分者也未遇風之變者故也俾使一朝奇政兩集則

險隘之徒聞葺之質亦將別矣夫衆小朋黨而固位讒
妬羣吠齧賢為禍敗也豈希三代之以覆列國之以滅
後人猶不能革此萬官所以屢失守而天命數靡常者
也詩云國既卒斬何用不監嗚呼時君俗主不此察也

潛夫論卷一

潛夫論卷二

漢 王符 撰

明闇第六

國之所以治者君明也其所以亂者君闇也君之所以
明者兼聽也所以闇者偏信也是故人君通必兼聽則
聖日廣矣庸說偏聽則過日甚矣詩云先民有言詢于
芻蕘夫堯舜之治闢四門明四目達四聰是以天子輻
輳而聖無不昭故其繇之徒弗能塞也靖言庸回弗能

惑也秦之二世務隱藏己而斷百僚隔捐疏賤而信趙
高是以聽塞於貴重之臣明蔽於驕妬之人故天下潰
叛弗得聞也皆高所殺莫敢言之周章至戲乃始駭聞
樂進勸乃後悔不亦晚矣故人兼聽納下則貴臣不得
誣而遠人不得欺也慢賤信貴則朝廷讜言無以至而
潔士奉身伏罪於野矣夫朝臣所以統理而多比周則
亂賢人所以奉己而隱遯伏野則君孤而能存者未之
嘗有也是故明君位衆務下言以昭外敬納卑賤以誘

賢也其無距言未必言者之盡可用也其無慢賤未必其人盡賢也乃懼慢不肖而絕賢望也是故聖王責小以厲大賞鄙以招賢然後良士集于朝下情達于君也故上無遺失之策官無亂法之臣此君民之所利而奸佞之所患也昔張祿一見而穰侯免袁絲進說而周勃黜是以當塗之人恒嫉正直之士得一介言於君以矯其邪也故飭偽辭以彰主心下設威權以固士民趙高亂政恐惡聞上乃預要二世曰屢見羣臣眾議政事則躊躇且示短不若藏己獨斷神且尊嚴天子稱朕固但聞名二世於是乃深自幽隱獨進趙高趙高入稱好言以說主出倚詔令以自尊天下魚爛相帥叛秦趙高恐懼歸惡於君乃使閹樂責而殺願一見高不能而死夫田常囚簡公淖齒弑湣王二世亦既聞之矣然猶復襲其敗迹者何也過在於不納卿士之箴規不受民氓之謠言自以己賢於簡湣聽於二臣也故國已亂而上不知禍既作而下不殺此非眾共棄君乃君以眾命繫趙

高病自絕於民也後求世之君危何知之哉舜曰予違汝弼汝無而從退有後言故國之道勸之使諫宣之使言然後君明察而治情通矣且凡驕臣之好隱賢也既患其正義以繩己矣又恥居上位而明不及下尹其職而策不出於己是以却寃得衆而子常殺之屈原得君而椒蘭挺讒耿壽建常平而嚴延妬其謀陳湯殺鄧支而匡衡排其功由此觀之處位卑賤而欲効善於君則必先與寵人為讎恃舊寵沮之於內接賤欲自信於外思善之君願忠之士所以雖並生一世憂心相齟而終不得遇者也

考績第七

凡南面之大務莫急於知賢知賢之近途莫急於考功功誠考則治亂暴而明善惡信則直賢不得見障蔽而佞巧不得竄其姦矣夫劍不試則利鈍闇弓不試則勁撓誣鷹不試則巧拙惑馬不試則良駑疑此四者之有相紛也由不考試故得然也今羣臣之不試也其禍非